

Start da la nova regiun BCG Flem Laax

Surdada da las filialas a dus novs manaders da regiun

■ **(cp) A partir dal 1. da december vegn dividida la regiun da la BCG Domat en las duas regiuns Domat e Flem Laax. Questa structuraziun en indesch territoris rinforza la preschientscha da la banca e pussibilitescha in'elavuraziun dals martgads anc pli individuala.** Il manader da la nova regiun Flem Laax è *Martin Cavigelli* e la responsabladad per Domat surpiglia *Damian Jensky*. *Toni Brunner*, il manader d'enfin ussa da la regiun Domat, va en pensiun la fin dal 2013.

La direcziun da la Banca Chantunala Grischuna ha decidì gia il mars 2012 da fundar la nova regiun Flem Laax. Cun quest pass investescha la banca pli ferm en la regiun turistica Flem Laax Falera e pussibilitescha in'elavuraziun dal martgà anc pli individuala a Domat.

«Cun la structuraziun en indesch territoris ans pudain nus concentrar pli intenziunadamain als basegns respectivs da la clientella e resguardar meglier las differentas orientaziuns economicas da las duas regiuns», argumentescha il commember da la direcziun *Thomas Roth* la decisiun. La banca ha en pli reglà a temp la successiun da *Toni Brunner*, il manader da la regiun Domat, che va en pensiun la fin da l'onni.

In'orientaziun pli ferma vers la regiun turistica

La responsabladad da la nova regiun Flem Laax cun 17 collavuratur surpiglia a partir dal 1. da december 2013 *Martin Cavigelli* da *Fidaz*. «Jau ma legrèl d'accompagnar e da sustegnair competentamain e directamain en il lieu nossas clientas e noss clients en tut las dumondas finzialas en il sectur

privat e da nov er en il sectur da clients da fatschenta», declera el sias intenziuns. *Martin Cavigelli* (45) lavura dapi il 2011 tar la BCG ed è sa preparà da maniera interdisciplinara sin sia incumbensa futura. Avant ha el lavurà durant diesch onns tar la Banca chantunala turitgaisa e quai en diversas posiziuns directivas. En sia nova funcziun maina *Cavigelli* las filialas da Flem Vitg, Flem Chasa d'uaul, Laax e Trin.

Il focus sin l'elavuraziun dal martgà anc pli individuala

Medemamain il cumenzament da december surpiglia *Damian Jensky* la direcziun da la regiun Domat cun totalmain 23 collavuratur. *Jensky* (36) ch'è oriund da Domat lavura gia dapi il 2002 per la Banca Chantunala Grischuna. L'emprim en il sectur controlling ed a partir dal 2009 sco manader dal martgà IPM a Domat. «Esser damanaivel da nossas clientas e noss clients ed als cussegljar cumplexsivamain en tut las dumondas da finanzas èn era vinavant nossas activitads principalas», uschia *Jensky* davart sias finimiras. El è en l'avegnir responsabel per las filialas da Domat, Panaduz, Favugn, Razén e Stussavgia.

Cumià da Toni Brunner – engraziament per l'engaschament

Toni Brunner resta tar la banca anc en fin la fin dal 2013. Suentar va el en pensiun bain meritada. *Brunner* ha lavurà cun success durant pli che 18 onns tar la BCG sco manader da la regiun Domat. La Banca Chantunala Grischuna al engrazia per ses grond engaschament da plirs onns ed al gavischa tut il bun per sia proxima perioda da la vita.